

## Član 1

Ovim statutom uređuje se: naziv, sjedište i područje na kojem Udruženje djeluje, djelatnost Udruženja, svrha i programski ciljevi Udruženja, uvjeti i način u članjenja u Udruženje i prestanak članstva, kao i prava, dužnosti i odgovornosti članova Udruženja, upravni organi Udruženja, način njihovog izbora, uvjeti i način opoziva, trajanje mandata, način odlučivanja i odgovornosti, način sticanja korišćenja i raspolaganja sredstvima Udruženja, način donošenja odluke o prestanku rada Udruženja, javnost rada, način donošenja statuta, izmjene i dopune statuta, pečat i zastupanje i predstavljanje Udruženja.

## Član 2

Udruženje dječijih neurologa u Bosni i Hercegovini je nezavisno, samostalno strukovno udruženje dječijih neurologa i medicinskih stručnjaka srodnih disciplina, koji obavljaju poslove i zadatke svog stručnog znanja na području Bosne i Hercegovine.

Dječiji neurolozi iz stava 1. ovog člana udružuju se u Udruženje radi zaštite svojih prava i interesa, unapređenje djelatnosti, predlaganja i verifikacije programa edukacije u dječijoj neurologiji, promocije i sticanja i sticanja novih znanja, promicanja brige o djeci sa neurološkim i razvojnim poremećajima, ostvarivanja suradnje i razmjene iskustava sa dječijim neurolozima iz svijeta, mogućnosti učestvovanja u projektima u državi i svijetu i dr.

## Član 3

Udruženje ima svojstvo pravnog lica koje stiče nakon upisa u registar kod nadležnog ministarstva u skladu sa Zakonom.

## 1. NAZIV, SJEDIŠTE I PODRUČJE DJELOVANJA UDRUŽENJA

### Član 4

Naziv Udruženja je:

Udruženje dječijih neurologa u Bosni i Hercegovini

Udruga dječijih neurologa u Bosni i Hercegovini

Удружење дјечијих неуролога у Босни и Херцеговини

Naziv na engleskom jeziku:

Child Neurology Society in Bosnia and Hercegovina

## Član 5

Sjedište Udruženja je u Sarajevu, ul. Patriotske lige 81.

## Član 6

Udruženje djeluje na teritoriji Bosne i Hercegovine, i može otvarati urede na cijeloj teritoriji BiH u skladu sa Zakonom.

## 2. CILJEVI I DJELATNOSTI UDRUŽENJA

### Član 7

Udruženje je postavilo slijedeće programske ciljeve/djelatnosti u svom radu:

- Podrška u okupljanju stručnjaka u oblasti dječije neurologije i srodnih disciplina u Bosni i Hercegovini,
- Promicanje i unaprjeđenje medicinske discipline dječije neurologije
- Promocija optimalnog tretmana i dobrobiti djece sa neurološkim i neurorazvojnim poremećajima,
- Podrška stručnoj, teorijskoj i praktičnoj edukaciji zdravstvenog personala, pravljenjem, praćenjem, verifikacijom i kontrolom kvalitete programa edukacije u dječijoj neurologiji.
- Dobrotvorna aktivnost u razvoju zdravstvene struke u BiH,
- Podrška izdavaštvu u oblasti medicinske struke, za potrebe članstva na način predviđen Zakonom,
- Održavanje edukativnih kongresa, seminara i radionica u oblasti zdravstva
- Razmjena iskustava sa srodnim organizacijama u Bosni i Hercegovini i svijetu.

## 3. POSTUPAK ZA PRIMANJE I ISKLJUČENJE IZ UDRUŽENJA

### Član 8.

Članstvo u Udruženju mogu ostvariti svi dječiji neurolozi i medicinski stručnjaci srodnih disciplina koji učestvuju u zbrinjavanju djece sa neurološkim poremećajima, a državljani su BiH koji obavljaju poslove i zadatke svog stručnog znanja na području BiH i potpisnici su Odluke o pristupanju Udruženju i prihvatanju Statuta.

### Član 9.

Članovi Udruženja mogu biti i strani državljani koji imaju boraviste u Bosni i Hercegovini, a zaslužni su za unaprijeđenje rada ovog udruženja.

#### Član 10.

Udruženje vodi registar svog članstva i svojih poslova koji predstavlja javnu knjigu i čuva se u prostorijama Udruženja (predsjednika ili sekretara).  
U registar članstva upisuju se sledeći podaci:

- ime i prezime;
- datum i mesto rođenja;
- državljanstvo;
- datum potpisivanja odluke o pristupanju Udruženju;
- datum upisa u registar;
- broj i datum rješenja o upisu i odobrenje /licenca/ za rad;
- promjene nastale tokom članstva;
- brisanje iz registra i razlog brisanja;
- podaci o funkciji u organima Udruženja.

#### Član 11.

Članstvo u Udruženju prestaje:

- prestankom obavljanja poslova i zadataka;
- neplaćanjem članarine šest mjeseci;
- oduzimanjem odobrenja za rad;
- prestankom obavljanja poslova na području BiH
- smrću člana Udruženja.

#### Član 12.

Članovi Udruženja imaju pravo:

- da biraju i budu birani u organe Udruženja;
- sudjelovanje na strukovnim susretima, seminarima, kongresima i drugim oblicima stručnog usavršavanja koje organizuje Udruženje.
- na interesno organizovanje u sekcije:  
druga prava koja proizilaze iz ovog Statuta, akta donijetih na osnovu Statuta, kao i odluka i zaključaka tijela Udruženja.

#### Član 13

Odluku o isključenju člana Udruženja donosi u pismenoj formi Izvršni direktor.

Isključeni član ima pravo žalbe Skupštini u roku od 15 dana od prijema odluke o isključenju.

Odluka Skupštine nakon podnošenja žalbe je konačna.

## 4. ORGANI UDRUŽENJA

### Član 14

- Organi Udruženja su :

- Skupština
- Izvršni direktor

Najviši organ Udruženja je Skupština .

### Član 15

Skupština se sastaje po potrebi, a najmanje jedanput godišnje. Saziva je predsjednik Skupštine najmanje 15 dana prije njenog zasjedanja.

Predsjednik Skupštine je dužan sazvati Skupštinu u slučaju kada to zahtjeva najmanje 1/3 članova Skupštine ili kada to zatraži Izvršni direktor Udruženja.

Radom Skupštine rukovodi predsjednik. Mandat Predsjednika traje jednu godinu sa mogućnošću reizbora.

Udruženje ima kvorum za rad ako Skupštini prisustvuje nadpolovična većina od ukupnog broja članova Udruženja.

Odluke se donose nadpolovičnom većinom prisutnih članova Udruženja.

Izjašnjavanje na sjednici Skupštine je javno.

### Član 16

Skupština Udruženja:

- donosi Statut, izmjene i dopune Statuta i druga akta Udruženja određena Statutom,
- odlučuje o pripajanju, razdvajanju, transformaciji, raspuštanju i prestanku rada, kao i o drugim statusnim promjenama u Udruženju,
- imenuje i razrješava Izvršnog direktora Udruženja i/ili odgovornu osobu,
- usvaja izvještaje koje je pripremio Izvršni direktor Udruženja,
- usvaja godišnji program i plan rada Udruženja i strateški plan Udruženja,
- donosi financijski plan Udruženja,
- usvaja završni račun Udruženja,
- obavlja druge poslove i zadatke u skladu sa zakonom, ovim Statutom i drugim općim aktima Udruženja.

### Član 17

Za vršenje određenih poslova Skupština može obrazovati i druge radne grupe, odbore, sekcije i sl.

Član 18

Izvršnog direktora bira Skupština, na mandatni period od četiri godine, sa mogućnošću reizbora. Izvršni direktor za svoj rad odgovara Skupštini.

Izvršni direktor je naredbodavac za izvršenje finansijskog plana Udruženja i odgovoran za zakonitost rada Udruženja.

Izvršnog direktora u odsutnosti mjenja lice imenovano posebnom odlukom Skupštine Udruženja, sa opsegom ovlaštenja koje mu dodjeli Skupština.

Član 19

Izvršni direktor je obavezan da poslovanje Udruženja vodi po mjerilima zakona, odredbama Statuta Udruženja i odlukama Skupštine Udruženja.

Član 20

Izvršni direktor ima prava, dužnosti i odgovornosti:

- Rukovodi radom Udruženja i organizira njegov rada,
- zastupa i predstavlja Udruženje,
- naredbavac je u izvršenju finansijskog plana,
- stara se o realizaciji programskih i planskih zadataka, i realizira odluke i druge akta Udruženja,
- podnosi izvještaj o radu Skupštini Udruženja,
- stara se o pravilnom korištenju imovine Udruženja, o urednom obavljanju materijalno-finansijskog poslovanja, stručnom, zakonitom i blagovremenom vršenju stručnih i administrativnih poslova,
- priprema i predlaže donošenje svih akata iz nadležnosti Skupštine Udruženja,
- izvršava odluke Skupštine,
- obavlja i druge poslove utvrđene Statutom Udruženja i pozitivnim zakonskim propisima.

## 5. SREDSTVA UDRUŽENJA, NAČIN KORIŠTENJA I KONTROLA

### Član 21

Udruženje stiče sredstva od članarine, učestvovanja u projektima, priloga, poklona, donacija, izdavanja brošura i publikacija, kotizacija za seminare I kongrese, u skladu sa zakonom, kao i prihode stečene kroz ostvarivanje ciljeva i aktivnosti udruženja u skladu sa Statutom.

Udruženje posluje na principu neprofitne organizacije, a eventualnu dobit ostvarenu u vršenju svojih djelatnosti usmjerava isključivo za proširenje svoje djelatnosti, a radi ostvarivanja programskih ciljeva.

### Član 22

Udruženje je dužno voditi poslovne knjige i sastavljati financijske izvještaje prema pozitivnim propisima Bosne i Hercegovine.

### Član 23

Za financijsko-materijalno poslovanje Udruženja odgovoran je Izvršni direktor.

### Član 24

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Skupština.

### Član 25

Utrošak sredstava utvrđuje se periodičnim obračunom i završnim računom Udruženja.

Skupština vrši kontrolu:

- sprovođenja Statuta i drugih akata Udruženja,
- sprovođenje odluka Skupštine
- sprovođenje programa i plana rada Udruženja,
- zakonitost u oblasti financijskog poslovanja Udruženja,
- sprovođenje odluka, zaključaka i drugih akata Udruženja.

## 6. JAVNOST RADA

### Član 26

Rad Udruženja je javan.

Javnost rada ostvaruje se neposrednim informiranjem i putem sredstava javnog informiranja.

### Član 27

Članovi Udruženja moraju biti redovno i istinito informirani o radu Udruženja.  
Za javnost rada odgovoran je Izvršni direktor.

## 7. IZMJENE I DOPUNE STATUTA

### Član 28

Skupština Udruženja je isključivo nadležna za izmjene i dopune Statuta. Skupština Udruženja je autentični tumač odredbi Statuta.

### Član 29

Pokretanje procedure za izmjene i dopune Statuta može pokrenuti Skupština ili Izvršni direktor Udruženja. Odluka o izmjeni i dopuni Statuta se donosi kada za nju glasa 2/3 delegata Skupštine.

## 8. OPIS, OBLIK I SADRŽAJ PEČATA I ZNAKA

### Član 30

Udruženje ima svoj pečat sljedećih karakteristika:

Pečat Udruženja je: okrugao, veličine od 30 mm., sa natpisom Udruženja :  
«Udruženje dječijih neurologa u Bosni i Hercegovini » na bosanskom jeziku , i upisanim sjedištem Udruženja.

Znak Udruženja je: stilizovani čekić za neurološko ispitivanje u žutoj i plavoj boji sa natpisom "Udruženje/Udruga dječijih neurologa u Bosni i Hercegovini)

## 9. ZASTUPANJE UDRUŽENJA

### Član 31

Izvršni direktor je ovlaštena osoba i zastupa i predstavlja Udruženje u pravnom prometu, i u skladu sa Statutom Udruženja, Odlukama Skupštine Udruženja, a u skladu sa pozitivnim zakonskim propisima.

## 10. STATUSNE PROMJENE UDRUŽENJA

### Član 32

Udruženje se može spojiti, razdvojiti ili transformirati samo u drugo udruženje.

#### Član 33

Način spajanja ili razdvajanja, odnosno transformacije utvrđuje Skupština udruženja prema prijedlogu Izvršnog direktora Udruženja.

#### Član 34

Odluke u pogledu statusnih promjena Udruženja, njegovo spajanje ili razdvajanje može donijeti Skupština ukoliko za Odluku glasa 2/3 članova.

#### Član 35.

Odluku o raspuštanju Udruženja, može donijeti isključivo Skupština, ukoliko za Odluku glasa 2/3 članova.

### 11. RASPOLAGANJE IMOVINOM I PREOSTALIM SREDSTVIMA UDRUŽENJA

#### Član 36.

Skupština Udruženja donosi odluku 2/3 većinom članova o načinu raspolaganja imovinom i preostalim sredstvima Udruženja.

Pri donošenju Odluke o raspuštanju Skupština će posebnom Odlukom imenovati likvidatora u procesu likvidacije Udruženja, i regulisati način raspodjele preostale imovine, a na osnovu Odluke Skupštine s tim da se imovina može dodjeliti samo neprofitnim organizacijama.

### 12. POSEBNE ODREDBE

#### Član 37.

Udruženje, može obavljati gospodarske djelatnosti samo ako je temeljena svrha takvih djelatnosti ostvarivanje ciljeva utvrđenih statutom.

Udruženje može obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih statutarnih ciljeva udruga i zaklada) samo preko posebno osnovane pravne osobe.

Odluku iz prethodnog stava o obavljanju aktivnosti ili osnivanje pravne osobe donosi Skupština Udruženja.



#### Član 38.

Udruženje za svoje obaveze odgovara cjelokupnom svojom imovinom.

#### Član 39.

Udruženje može razmjenjivati iskustva sa drugim udruženjima.

### 13. PRIJELAZNE I ZAVRŠNE ODREDBE

#### Član 40.

Ovaj Statut stupa na snagu danom donošenja, a primjenjivat će se nakon upisa registar kod nadležnog ministarstva